

Blaðamannafundur á vegum Kvennalistans þann 21. maí 1986.

Með fundinum vill Kvennalistinn vekja athygli fjölmíðla á sérstöðu sinni í þeim kosningum til borgarstjórnar sem í hönd fara. Kvennalistinn er öðru fremur kvennapólitískt afl sem ekki er hægt að staðsetja á þeim pólitískra ás sem liggur frá vinstri til hægri (eða öfugt). Kvennalistinn er fremur eins og þriðja hornið á þríhyrningi, þriðja víddin.

Kvennalistinn telur að það þurfi bæði að breyta stefnu og starfs-háttum flokkanna eigi þeir að vera konum aðgengilegir. Af þessari skoðun okkar leiðir að við notum aðra starfshætti en flokkarnir. Við byggjum á dreifingu valds og ábyrgðar og teljum að við séum allar þess umkomnar að kynna og túlka stefnu Kvennalistans. Við teljum nauðsynlegt að það eigi sér stað stöðug endurnýjun í pólitík þannig að hún verði ~~starfsgrein~~ heldur viðfangsefni venjulegs fólks. A lista Kvennalistans eru nú 15 konur sem ekki voru á listanum fyrir síðustu borgarstjórnarkosningar. Þær konur sem eru í öðru, þriðja og fjórða sæti á listanum eru t.d. allar nýjar. Við höfum jafnframt gert þá samþykkt í okkar samtökum að við það skuli miðað í okkar starfi að engin kona sitji lengur en tvö ár í senn í kjörnum stofnunum, nefndum og ráðum. Með því móti verður róðurinn auðveldari fyrir hverja konu og vinnu- og valddreifing eykst.

Af helstu viðburðum í kosningabaráttu Kvennalistans að þessu sinni má nefna:

- Kvennalistinn hefur komið út og dreift ístarlegri stefnuskrá sem er sá málfnagrundvöllur sem við stöndum á. Það sama verður ekki sagt um flokkana sem virðast leggja höfuðáherslu á fjölmíðlakynningu.
- Við erum með útimarkað og söng á Lækjartorgi og víðar um bæinn alltaf þegar veður leyfir. Með því móti viljum við reyna að gera okkur og kjósendum kosningabaráttuna eins ánægjulega og kostur er.
- Við höfum gefið út sérstakt blað sem dreift er í öll hús þar sem við útlistum í málí og myndum hvernig borg við viljum byggja.
- Við verðum með fjölskylduhátið í nýja Sóknarhúsinu við Skipolt sunnudaginn 25. maí sem stendur allan daginn. Þar verður blandað saman kvennapólitík og skemmtun fyrir alla fjölskylduna.
- Að kvöldi kjördags og nóttina á eftir verðum við á Gauki á Stöng og þangað eru allir velunnarar Kvennalistans hjartanlega velkomnir.

Að lokum viljum við vekja athygli á að í 15. sæti á lista okkar er sænsk kona sem búsett er hér á landi, Kicki Borhammar. Er það að öllum líkindum í fyrsta sinn sem erlendir ríkisborgari er í framboði til borgarstjórnar.